



# SLUŽBENE NOVINE OPĆINE ZENICA

GODINA XXXIX  
Broj 6

Ponedjeljak, 21.10.2013. godine

ISSN 1840-4588

## VIJEĆE OPĆINE

59.

Na osnovu člana 3. tačka d), 8. i 14. Zakona o komunalnim djelatnostima („Službene novine Zeničko-dobojskog kantona“, broj: 17/08) i člana 22. tačka 2. Statuta općine Zenica („Službene novine općine Zenica“, broj: 4/08), Vijeće općine Zenica na 11. sjednici održanoj 10. oktobra 2013. godine donijelo je

### O D L U K U

#### O DOPUNI ODLUKE O ZAGRIJAVANJU STAMBENOG I POSLOVNOG PROSTORA GRADA ZENICE DALJINSKIM GRIJANJEM I USLOVA ZA ISPORUKU I PREUZIMANJE TOPLOTNE ENERGIJE IZ VRELOVODNE MREŽE

##### Član 1.

U Odluci o zagrijavanju stambenog i poslovnog prostora grada Zenice daljinskim grijanjem („Službene novine općine Zenica“, broj: 7/02) iza člana 30. dodaje se član 30.a) koji glasi:

##### „Član 30. a)

Novčanom kaznom od 1.000 do 3.000 KM kaznit će se Uprava za imovinsko-pravne poslove općine Zenica, a direktor navedene Uprave i šef katastarskog ureda novčanom kaznom od 500 do 2000 KM, ako u katastarskom operatu općine Zenica izvrše prenos posjeda nad nekretninom (stan, kuća, dio kuće, poslovni prostor..), a da pri tome nije obezbijedena potvrda Javnog preduzeća „Grijanje“ d.o.o. Zenica kojom se potvrđuje da su za predmetnu nekretninu izmirene dospelje obaveze za utrošenu toplotnu energiju. “

##### Član 2.

U Uslovima za isporuku i preuzimanje toplotne energije iz vrelovodne mreže („Službene novine općine Zenica“, broj: 7/02) iza člana 83. dodaje se dio:

##### „VII. a) PRIJENOS POSJEDA NA NEKRETNINI“

kao i “Član 83. a) “ koji glasi:

##### “Član 83. a)

Prijenos posjeda nad nekretninama, iz člana 30.a) ove odluke koje se nalaze u evidenciji Katastarskog ureda općine Zenica ne

smije se provesti ako prethodni posjednik objekta nije izmirio dospelje obaveze za zagrijavanje objekta čiji se prijenos traži. Uz zahtjev za prijenos posjeda podnosilac je obavezan priložiti i potvrdu Javnog preduzeća “Grijanje” d.o.o. Zenica kojom se dokazuje da isti nema dospeljih a neplaćenih obaveza prema Javnom preduzeću “Grijanje” d.o.o. Zenica.”

##### Član 3.

Ova odluka stupa na snagu osmog dana od dana objavljivanja u „Službenim novinama općine Zenica“.

Broj: 01-01-18491/13

Zenica, 10. 10. 2013. godine

PREDSJEDAVALAČU  
VIJEĆA OPĆINE ZENICA  
*Nebojša Nikolić, s.r.*

60.

Na osnovu člana 4. stav 2. Zakona o prometu nepokretnosti («Službeni list SR BiH», broj: 38/78, 22/91 i «Sl.list RBiH», br. 21/92, 3/93, 17/93, 13/94, 18/94, 33/94), člana 12. Odluke o građevinskom zemljištu općine Zenica («Službene novine općine Zenica» br. 4/07 – prečišćen tekst, 2/08 i 5/08) i člana 16. i 22. Statuta općine Zenica («Službene novine općine Zenica» broj: 4/08), Vijeće općine Zenica na 11. sjednici održanoj dana 10. oktobra .2013. godine, donijelo je

### O D L U K U

#### O UTVRĐIVANJU PROMJENE STATUSA JAVNOG DOBRA

##### Član 1.

Utvrđuje se da je izgubilo status nepokretnosti u općoj upotrebi sljedeće zemljište:

- k.č. s.p. 1/815 Javno dobro put površine 214 m<sup>2</sup>, upisana u el.zk.ul. 2347 K.O. Zenica - kao Javno dobro - Iskaz I.

##### Član 2.

Općinski sud u Zenici – Zemljišno knjižni ured brisaće u Iskazu I izvršeni upis zemljišta iz prethodnog člana kao nekretninu u općoj upotrebi – Javnog dobra, a navedeno zemljište upisati kao državna svojina u odgovarajući zemljišno-knjižni uložak u kojem je upisano zemljište, čiji je nosilac

prava raspolaganja Općina Zenica.

NAČELNIK OPĆINE

### Član 3.

Ova odluka stupa na snagu osmog dana od dana objavljivanja u «Službenim novinama općine Zenica».

Broj: 01-01-18492/13  
Zenica, 10. 10. 2013. godine

PREDSJEDAVAJUĆI  
VIJEĆA OPĆINE ZENICA  
*Nebojša Nikolić, s.r.*

### 61.

Na osnovu člana 22., 74. i 79. Statuta općine Zenica («Službene novine općine Zenica», broj: 4/08), člana 12. Odluke o organizaciji mjesne samouprave («Službene novine općine Zenica», broj: 1/10) i člana 37. Poslovnika Vijeća općine («Službene novine općine Zenica», broj: 2/10) Vijeće općine Zenica na 11. sjednici održanoj 10. oktobra 2013. godine, donijelo je

### ODLUKU

**o dodjeli mandata kandidatima za predsjednika i člana Savjeta MZ «Bilino polje»**

### Član 1.

*Aličehajić Neziru* dodjeljuje se mandat predsjednika Savjeta MZ «Bilino polje», kao sljedećem kandidatu po broju osvojenih glasova, zbog podnošenja ostavke *Čolaković Selmira* na funkciju predsjednika i člana Savjeta MZ «Bilino polje», jer su kandidati za predsjednika Savjeta MZ «Bilino polje» Topalović Nihad i Krkalić Sanel dostavili pismene izjave da odustaju od funkcije predsjednika Savjeta ove mjesne zajednice.

### Član 2.

*Mujčinović Ameru* dodjeljuje se mandat člana Savjeta MZ «Bilino polje» kao sljedećem po broju osvojenih glasova.

### Član 3.

Ova odluka stupa na snagu danom donošenja i objaviće se u «Službenim novinama općine Zenica».

Broj: 01-01-18497/13  
Zenica, 10. oktobar 2013. godine

PREDSJEDAVAJUĆI  
VIJEĆA OPĆINE ZENICA  
*Nebojša Nikolić, s.r.*

### 62.

Na osnovu člana 36. tačka 6. Statuta općine Zenica („Službene novine općine Zenica“, broj 4/08), člana 15. i 16. Odluke o organizaciji općinske uprave («Službene novine općine Zenica», broj: 3/02-prečišćen tekst), a u skladu sa članom 65. Odluke o organizaciji i sigurnosti saobraćaja na cestama («Službene novine općine Zenica», broj: 9/11) Načelnik općine Zenica, donosi

### RJEŠENJE

**o izmjeni Rješenja o formiranju  
Komisije za bezbjednost saobraćaja**

#### I

U Rješenju o formiranju Komisije za bezbjednost saobraćaja broj: 02-05-27182/07 od 13. novembra 2007. godine («Službene novine općine Zenica», broj: 8/07 i 3/09) u članu I stav 1. mijenja se član Komisije pod tačkom 6. tako da ista glasi:

«6. Berbić Nero, Pomoćnik komandira Policijske stanice Centar.»

#### II

Dosadašnji član Komisije, Džemal Pašanbegović, razrješava se dužnosti člana Komisije za bezbjednost saobraćaja, zbog odlaska u penziju.

#### III

Ovo rješenje stupa na snagu danom donošenja i objaviće se u «Službenim novinama općine Zenica».

Broj: 02-02-17032/13

Zenica, 11. septembar 2013. godine  
NAČELNIK OPĆINE,  
*Husejin Smajlović, s.r.*

### 63.

Na osnovu člana 36. tačka 5. i člana 117. Statuta općine Zenica («Službene novine općine Zenica», broj 4/08) i člana 6. Zakona o javnim preduzećima („Službene novine FBiH, broj: 8/05) a po pribavljenom mišljenju Službe za ekonomske odnose i poduzetništvo broj: 04-49-16614/13 od 20.09.2013. godine, Načelnik općine Zenica, donosi

### ZAKLJUČAK

**o davanju saglasnosti na Odluku o izmjeni i dopuni Cjenovnika usluga**

#### I

Daje se saglasnost na Odluku o izmjeni i dopuni Cjenovnika usluga broj: 130/13 od 30.08.2013. godine koji je utvrdio Nadzorni odbor JP “Tržnica” d.o.o. Zenica.

**II**

Za realizaciju ovog zaključka zadužuje se menadžment Javnog preduzeća «Tržnica» d.o.o. Zenica.

**III**

Ovaj zaključak stupa na snagu danom donošenja, a objavit će se u «Službenim novinama općine Zenica».

Broj: 02-49-16614/13  
Zenica, 24. 09. 2013. godine

NAČELNIK OPĆINE,  
*Husejin Smajlović, s.r.*

**64.**

Na osnovu člana 10. tačka 4. Zakona o udruženjima i fondacijama („Službene novine FBiH“, broj: 45 / 02) i člana 36. tačka 19. Statuta općine Zenica („Službene novine općine Zenica“, broj: 4 / 08), Načelnik općine Zenica, donosi

**ZAKLJUČAK****o odobravanju unošenja naziva općine Zenica u naziv udruženja****I**

Udruženju „Vijeće mladih općine Zenica“ iz Zenice, odobrava se unošenje u naziv udruženja naziva općine „Zenica“.

**II**

Ovaj zaključak stupa na snagu danom donošenja, a objavit će se u „Službenim novinama općine Zenica“.

Broj: 02- 49-016640/13  
Zenica, 10. 09. 2013. godine

NAČELNIK OPĆINE,  
*Husejin Smajlović, s.r.*

**65.**

Na osnovu člana 17. Zakona o privrednim društvima („Službene novine FBiH“, broj: 23/99, 45/00, 2/02, 6/02, 29/03, 68/05, 91/07, 84/08, 63/10) i člana 36. tačka 19. Statuta općine Zenica („Službene novine općine Zenica“, broj: 4 / 08), Načelnik općine Zenica, donosi

**ZAKLJUČAK****o odobravanju unošenja naziva općine Zenica u naziv društva****I**

Društvu „PREVENT-ZENICA“ d.o.o. Zenica iz Zenice, odobrava se unošenje u naziv firme društva naziva općine „Zenica“.

**II**

Ovaj zaključak stupa na snagu danom donošenja, a

objavit će se u „Službenim novinama općine Zenica“.

Broj: 02- 49-15810/13  
Zenica, 22. 08. 2013. godine

NAČELNIK OPĆINE,  
*Husejin Smajlović, s.r.*

**66.**

Na osnovu člana 33. Zakona o budžetima u FBiH ("Službene novine FBiH" broj: 19/06, 76/08, 5/09, 32/09, 51/09, 9/10, 36/10, 45/10 i 25/12) i člana 23. Odluke o izvršavanju budžeta Općine Zenica za 2013. godinu ("Službene novine općine Zenica" broj 3/13), Načelnik općine Zenica donosi

**ZAKLJUČAK****o preraspodjeli sredstava u Budžetu općine Zenica za 2013. godinu****I**

Odobrava se preraspodjela sredstava iz Budžeta općine Zenica za 2013. godinu, sa organizacionog koda 16010001 – Služba za komunalne poslove i ekologiju, na organizacioni kod 11010001 – Načelnik Općine.

**II**

Preraspodjela sredstava iz tačke I vrši se na sljedeći način:  
**Umanjuju se sredstva na:**

- organizacionom kodu 16010001 – Služba za komunalne poslove i ekologiju, ekonomski kod 821600, budžetska pozicija 116 - "Rekonstrukcija i investiciono održavanje - putna mreža (glavna gradska magistrala - PDV)" za iznos od 85.000,00 KM.

**Povećavaju se sredstva na:**

- organizacionom kodu 11010001 - Načelnik Općine, ekonomski kod 616200, budžetska pozicija 24 - "Izdaci za inostrane kamate (troškovi na povučeni iznos kredita od Saudijskog fonda za razvoj)" za iznos od 85.000,00 KM.

**III**

Za realizaciju ovog Zaključka zadužuju se Služba za komunalne poslove i ekologiju, Načelnik Općine i Služba za budžet i finansije.

**IV**

Ovaj Zaključak stupa na snagu danom donošenja, a objavit će se u "Službenim novinama općine Zenica".

Broj: 02-14-16617/13  
Zenica, 03.09.2013. god.

NAČELNIK OPĆINE,  
*Husejin Smajlović, s.r.*

67.

Na osnovu člana 34. Zakona o budžetima u FBiH („Službene novine FBiH“ broj: 19/06, 76/08, 5/09, 51/09, 9/10, 36/10, 45/10, 25/12), člana 36. i 117. Statuta općine Zenica (Službene novine Općine Zenica“, br. 4/08) i člana 21. Odluke o izvršavanju budžeta Općine Zenica za 2013. godinu (Službene novine općine Zenica“ br. 3/13) na prijedlog Službe za društvene djelatnosti i socijalnu zaštitu i Službe za budžet i finansije, Načelnik općine Zenica, donosi

**ZAKLJUČAK**  
**o odobravanju izdvajanja sredstava**  
**iz tekuće budžetske rezerve**

**I**

Odobrava se izdvajanje novčanih sredstava iz Budžeta općine Zenica za 2013. godinu preduzeću za projektovanje „inžinjering, izgradnju i promet „Grading KGM“ d.o.o sa sjedištem u Zenici na adresi Londža bb, Poslovni centar Roma II, u iznosu od 30.000,00 KM . Sredstva se odobravaju u svrhu realizacije zaključka Vijeća općine Zenica br. 01-01-7582/13 od 07.05.2013. godine a kao učešće Općine Zenica u rješavanju stambenog pitanja bh. reprezentativca bacača kugle Hamze Alića, sa iznosom od 1/3 od ukupne cijene stana.

**II**

Sredstva iz tačke I ovog Zaključka isplatit će se iz „Tekuće budžetske rezerve“ Budžeta općine Zenica za 2013. godinu, a na ime pokrića rashoda na ekonomskom kodu 615 200, nova budžetska pozicija, 167a – „Kapitalni transfer pojedincima ( učešće u kupovini stana Hamze Alića), fond 01, funkcija 0791.

**III**

Za realizaciju Zaključka zadužuje se Služba za društvene djelatnosti i socijalnu zaštitu, Stručna služba Vijeća i Načelnika i Služba za budžet i finansije, koja će navedena sredstva uplatiti na račun „Grading KGM“ d.o.o sa sjedištem u Zenici na adresi Londža bb, br. 1610550011590077 otvoren kod Raiffeisen Bank.

**IV**

Ovaj zaključak stupa na snagu danom donošenja, a objavit će se u „Službenim novinama općine Zenica“.

Broj: 02-14-13927/13  
Zenica, 01.08.2013. god.

NAČELNIK OPĆINE,  
*Husejin Smajlović, s.r.*

## SADRŽAJ

### VIJEĆE OPĆINE

59. ODLUKA o dopuni odluke o zagrijavanju stambenog i poslovnog prostora grada Zenice daljinskim grijanjem i uslova za isporuku i preuzimanje toplotne energije iz vrelovodne mreže..... 1
60. ODLUKA o utvrđivanju promjene statusa javnog dobra ..... 1
61. ODLUKA o dodjeli mandata kandidatima za predsjednika i člana Savjeta MZ «Bilino polje» ..... 2

### NAČELNIK OPĆINE

62. RJEŠENJE o izmjeni Rješenja o formiranju Komisije za bezbjednost saobraćaja ..... 2
63. ZAKLJUČAK o davanju saglasnosti na Odluku o izmjeni i dopuni Cjenovnika usluga ..... 2
64. ZAKLJUČAK o odobravanju unošenja naziva općine Zenica u naziv udruženja ..... 3
65. ZAKLJUČAK o odobravanju unošenja naziva općine Zenica u naziv društva ..... 3
66. ZAKLJUČAK o preraspodjeli sredstava u Budžetu općine Zenica za 2013. godinu..... 3
67. ZAKLJUČAK o odobravanju izdvajanja sredstava iz tekuće budžetske rezerve..... 4

**IZDAVAČ:** Općina Zenica, Trg BiH broj 6. ● **GLAVNI I ODGOVORNI UREDNIK:** Selver Keleštura, sekretar Općine - Telefon: 032/401-215 ● **ŠTAMPA:** NIPD “Naša riječ“ d.o.o. Zenica ● **PRETPLATA:** Godišnja pretplata uplaćuje se na transakcijski račun Općine Zenica - Budžet Općine, broj: 134-010-0000042994